

که سینه کا نارام و خوجھ بیت و ب چاقه کئی دویرین بهری خۆ بدته ژیانى، له ورا ریشه بهری یا جفاکى و ئابۆرى و سیاسى یا خه لکى ده ورو بهر دکر و گه له ک باژیر ب درێژاهى یا سه دان سالا بوو بوونه پایته ختیت میرنشینیت کوردى.

پشکا (دووئ) خه لکى گوندا بوون، بیت کو ژیانه کا جفاکى یا خوجھانه ب ئیکجاری دبۆراند، ئەف چهنده ژى دزقریته شه سروشتى ژیارى، یئ کو ههمى ده ما رهنگى ژیانى تخویب دکهت، هندیکه خه لکى گوندا نه، هه ر که فن دا ئابۆرى خۆ یئ هینلايه ب هویفی یا چاندنى و بخودانکرنا ناژهلئ شه، فئ چهندى ژى نه گهر بوویه کو پیدفئ (دو) رهنگیت ژيانا جفاکى ببیت؛ ژيانا خوجھى یئ کو ژ لایئ چاندنى شه دهیتته سه پاندن و ژيانا نه خوجھى یئ کو سروشتى بخودانکرنا ناژهلئ ل سهر وان دسه پینیت، ئەم دشین بیژین: ژيانا گوندا تیکهه لى یه که د ناقبه را ژيانا باژیری (خوجھى) و کۆچهراتى (گه رۆکى) کو ژيانا پشکا جفاکى یا (سئ) یئ یه، فئ چهندى ژى وه سا ل سهر خه لکى گوندا سه پاند بوو؛ کو پاییز و زفستان و بهارال وارا بن و هاقینا ل زۆما بن.

هندیکه پشکا (سیئ) یه یا کو دبیتژنى: (کۆچهر)؛ دبنه (دو) جوین؛ جوینه ک (کۆچهر) ن و جوینى دى (رهقه ند) ن. کۆچهر د ژيانه کا ئاکنجى و نه ئاکنجى دا بوون، ژ بهر کو هه ر ژ دویماهى یا پاییزى هه تا ناخلیفئ بهارى ل دهشتى د ئاکنجى بوون، پاشى باردکرن و ژ پیش بهارى شه دچوون و گه له ک جارا ژ چیا یئ (مه قلیبى) ده راس دبوون و هه تا ژیری یا (زمار) دچوون ژ بهر کو بهار ژ لایئ ژیری شه ب سهر دکه فیت و بهر ب ئەفرازى دچیت، و دا دگه ل بهارا ب ئەفراز هینه ده شه را (سیمیلئ) و دا بار که ن و چنه زۆزانا خوجھ بن هه تا کو دویماهى یا پاییزى دزقرینه شه ده شه را سیمیلئ.

جوینى دووئ (رهقه ند)، فئ جوینى - لدویف دیتنا من - چو جهیت ئاکنجیبوونى نه بوون و هه رده م د ناقبه را ژۆرى یا رۆژهه لاتا کوردستانا عیراقى و کوردستانا ئیرانى لدویف چه روانى دگه ریان^(۱).

(۱) دیتنه ک هه یه؛ کو دبیتژنى ئیلیت (هه رکی) و (خه یلانى یا) رهقه ند و بیت (ئه رتوشى) یا کۆچهر و هه ر وه کى کۆچهر زۆمیت خۆ ل زۆزانا هه بوون، هه روه سا (هه رکی) و (خه یلانى یا) ژى زۆمیت خۆ ل کوردستانا ئیرانى هه بوون.

خه لکي نهرزي ژي، کو دکه قیته چارچووشی پشکا (دووی) ژ ژی لیکه کرنا ژینگوتی، ژيانا خو یا جفاکی وهکی خه لکي هه ر گونده کي کوردستانی دپوراندا، هه ر دگه ل پووشبه هیئی دا بو خو که پرا ل زوما خو (نه هجه را)^(۱) چیکه ن و مالیت خو بارکه نی، داکو نیزیکی چه روانیت ل بلنداهی بییت چیا بی مه تینی بن و بشین خو کولی یا گو هیت تهرش و که والی قورتال که ن، ژ بهر کول چه روانیت ل دهوروبه ریت گوندی (جه هداسی) یا زوره و دچیته د گو هیت که والی دا، نه خاسمه په زی سپی، نه فه ژي نه گه را سه ره کی به کو باهرا پتر ژ خه لکي گوندیت کوردستانی ل هافینا دچنه زوما.

ژ (نه هجه را) روزه انه خه لکي گوندی ریکا نیزیکی ده مژمیره کی دقه تاندا و دچوونه ناف زه فی و بیستانیت خو ل گوندی و کاردکرن، ل نیزیکی روزه تافیی فیقی و زهره وات و تشتیت دی بییت پیدقی دبرن و بهر ب زومئ فه دچوون، دیسا دگه ل رینجه به را کابانی دچوونه گوندی ژ بو سپیکرن و هونینا خانی یا، ل پاییزی ده می کو باهرا پتر ژ گیای گولی یا خو دوه راندا و بیه اف دته زی و بهر ب سه رماییت فه دچوو، مال باردکرن و دزقرینه فه واری (گوندی).

(۲) ژيانا ره وشه نیبری

گومان تی نینه کو جهی جوگرافی یی هه ر کومه لگه هه کا مرؤقینی یی سه روبه ری ژيانا خه لکي وی چارچووش دکه ت، ژ بهر کو دویری و نیزیکی یا هه ر کومه لگه هه کی ژ بنگه هییت شه هرستانی و رهنگی ریک و هه فگینیت د ناقبه را وان دا کارتیکر نه کا گه لک زور د هه می لاییت ژيانی دا دکه ت، له ورا کومه لگه هییت ل جهیت دویر و ناسی و فه ده ر ژ هه می لایا فه ژ وان کومه لگه هییت نیزیکی بنگه هییت شه هرستانی د بهیزتر و لاوترن.

جفاکی نهرزي ژي ئیکه ژ وان جفاکیت دویر ژ بنگه هییت شه هرستانی بییت ل ده فه ری و ل جهه کی بلند و ناسی و دویر ژ ریکیت هاتن و چوونی بییت د ناقبه را وان بنگه ها دا،

(۱) دکه قیته روزه لاتنی گوندی، پشته کوی (قلنگه هی)، یی کو دکه قیته هندافی گوندی (هه سمپیرکا).

لهورا ئاستى رهوشه نيبيرى نه ل ئاستى پييدقى بوو و ديريوكا كه لى هاته بهرزه كرن و نه گهر
ناش و دهنگى يا «به كر به گى ئه رزى» نه بايه، دا چاره نقيسى ديريوكا كه لا ئه رزى ژى وهكى
بيى وان كه ليت دى بيت، بيت كول پهراويزا كه لا ئاميدى بيى روژيت خو دبوژاندن؛ بهلكو
دا بيى خرابتر بيت.

خهلكى ئه رزى هه ر د بنیات دا د ديندار بوون و هه ر جفاكه كى كول چه رخيىت بوين
پويته ب دينى كريا، دا بهرئ وى كه قيته زانين و رهوشه نيبيرى بيى و گومان تى نينه كو
پالدهرئ تهفيا جفاكيت دى بيت مسلمان بو زانين و رهوشه نيبيرى بيى هه ر دين بوو، لهورا
هه مى دهما قوتابخانه و فيرگه ه ل باهرا پتر ژ كو مه لگه هيت كوردا هه بوون و جفاكى
كوردى ل ئاستى هه ر جفاكه كى مسلمان بوو، بو نمونه قوتابخانا (قوبان) ژ زانكويا
(ئه زهه ر) ژ لايى زانستى فه هيج جاره كى يا كي متر نه بوو و گه لهك جارا ژى زانكويا
(ئه زهه ر) ده ربه رى گه لهك بابته و فه كولينيت زانستى؛ چ ب ريكا شانديت زانستى با،
يان ژى ب ريكا پوستا با، چاره بو خوژ زاناييت قوتابخانا (قوبان) وهردگرتن، و شاندى
وى بيى دويمه ي بيى نهو بوو بيى كوژ چهند زانا پييكهاتى و ل سالا (۱۹۶۳) چاپييكه فتن
دگه ل ريشه بهرئ قوتابخانا (قوبان) خودئ ژى رزاي (محهمه د شوكرى ئه فندى) كرى و
داخووا تووژاندنا پرتوكه كى ژى كرى^(۱).

ئه رزى وهكى هه ر باژيره كى، يان گونده كى كوردستانى، قوتابخانه لى هه بوو، به لى چو
به لگه بيت ديريوكى ل دوور ده مى دانانا وى و دانه رى وى و زانا و ماموستاييت وى ب
ده ست مه نه كه فستينه، تنى نه م دزانين كول ده مه كى ريشه بهرئ وى «شيخ حاجى
مه تبنى»^(۲) بوو، نه ف ده مه ژى دزقريته به رى شوژه شا «دمدم» يا (خانئ له پ زيرين) يا
ل سالا (۱۰۱۹/ك/۱۶۱۰ز) دژى شاه (عه باسى سه فه وى) كرى، ژ بهر كو د داستانا
(دمدم) ي يا فولكلورى دا وه سا يا هاتى كو ده مى (خانئ له پ زيرين) هه وار و بانگينيت

(۱) كوفاارا مه تبن، ژماره (۶۸)، ئيلون سالا ۱۹۹۷، بپ ۶.
(۲) ردبني، وه صفى حسن، التراث الثقافى فى بهدينان، كوفاارا روژى كوردستان، خزيرانا ۱۹۸۴،
بپ ۱۰، پشتى درستكرنهك مه تيدا كرى، ژ بهر كو ب ناقئ «شيخ مه تبن» بيى دايه نياسين و بيى
درست «حاجى مه تبنى» يه، دوينده ها وى يا مايه ل گوندى بانكا، بناقى مالا سيقدينى.

خۆ ئاراستەى چاكا دكەتن، دبېئىتن:

«حاجى مەتىنى ل مىنى وۆ»

تو بهىتى د ههوارا خانى وۆ»^(۱)

ئانكو (يىن گۆرئى وى ل مىنى) مەبەست ژئى ئەو ملە يا كو گۆرئى وى لى و دكە قىتە (خراپەى)^(۲)، ئەف زاناپە گەلەكئى ب ناڧ و دەنگ بوو، نۆكە ژى گۆرئى وى ل نك خەلكئى دەقەرى يىن پېرۆزە و خەلكەكى باوەرېبەكا موكم يا پى ھەى و گەلەك چىشانۆكا ل دۆر كرامەتت وى فەدگىرن^(۳).

بەلى پىشتى لەشكەرى مىرئى كۆرە كەلا ئەرزى ستاندى، ناگر بەردايى و دىوارىت وى ب تەقرى خرابكرن، لەورا چو پەرتۆك و دەستنىس و نقىسېنىت^(۴) وى نەمان و ھەمى پىزانىن ل دۆر رېقەبەر و قوتابى و دەرچوويىت وى بەرزە بوون و ب ئىكجارى دىرۆكا وى بى سەروشوبىن ما، ژ شوبىنوارىت وى قوتابخاننى يىت كو ھەتا ئەقرو ماين تنى (بەربەرۆككى فەقا) يە. دىسا يا ئەم ژ قى قوتابخاننى دزانېن تنى ئەو ھە كو (مەلا عوبەيد) مامۆستايى وى بوو، پىشتى كەل ھاتى يە خرابكرن و خەلكئى وى ل نزار و بەرۆزا خانى ئاڧاكرىن، (مەلا عوبەيد) ل بەرامبەرى جەئى دەرگەھى سەرەكى يىن كەلى مزگەفتەك دگەل

(۱) د روئىشتەكى دال رۆژا ۱۹۹۷/۱۱/۷، ژ گولستان عەلى بەگ ھاتە وەرگرتن.
(۲) خراپەى: خرابى گوندئى (مەتىن) ھە كو گوندئى حاجى مەتىنى يە، دكە قىتە پىشتا گوندئى (بانكا) لايى ژۆرى، خەلكئى وى سەيد بوون، مالا سېقىدىنى بانكى و مالا سەيد تاھايى ئىتوتى ژ وى مالى نە.

(۳) لدوئىڧ چىشانۆكا دەيتە گۆتن، دبېئىتن: دەمى يىن بچوبىك و ژى يىن وى ھەفت سال، براپى وى چو (ھەجى)، پىشتى دەمەك بۆرى، رۆژەكى ژ رۆژا دەيكا وى (ئاسوئىدەك) چىكر و دەينا بەر، پاشى ھزرا كورئى خۆكر و ئاخىنكەك راھىتلا و گۆت: خۆزى براپى تە ھندەك ژ قى ئاسوئىدا ھندە خۆش خواربا، ئىنا گۆت: بۆ بېم؟ دەيكا وى ھزرا كورئى بەت و دگەل ھەقائىت خۆ خۆت، ئىنا گۆت: دى بۆ بېم، وى ژى دەستى خۆل ئاغلەويكا ئاسوئىدە دا و دەرگەت و پىشتى دەمەكى ھات و ئاغلەويكا قالا دانا د ژۆرڧە و چو، بەلى دەمى ھەجى زقرىن و خەلك ژ پىش براپى و بېقە چووين، ئىكسەر گازىكر نە ئىنە تەوفا من، ھەرنە تەوفا براپى من (حاجى) ئەو ھەجى يە، پىشتى دەيكا وى پرسىيار ل دۆر وى چەندئى ژئى كرىن، گۆت: ئەز يىن ل بەر بەرى رەش بووم، من دىت حاجى ئاغلەويكەكا ئاسوئىدا كەل بۆ من ئىنا و گۆت: داىيى يا بۆ تە قىركى!

(۴) تنى دەستنىسەك كەتبوو دەستى ھۆزانقان پىزانى ئالىخاننى و ھەتا پىشتى وەغەركنا وى د ناڧ پەرتۆكئىت وى دا ما بوو، بەلى ل دەمى مشەختىبونا ملىبۆنى يا سالا (۱۹۹۱) ئى بى سەروشوبىن بوو.

قوتابخانه کئی ئافاکرن و دەست ب خواندن و فیترکرنی کرپوو^(۱)، پەرتۆک و دەستنقیس و نقیسنیت وئ هەتا پشتی خرابوونا قوتابخانە ژێ پشتی مرنا (مەلا عوبەیدی) ل مزگەفتا ئەرزێ مابوون، بەلێ گەلەک د بێ سەرۆبەر و دریا بون، لەورا هەندەک خواندەفانیت نەزان هزر کرن قورئانن و فەرموودیت پیغەمبەری نە (س) و پیدقی یە بەیتە تەلافتن و چەند زارۆکەک ب سۆتتا وان راسپاردن، ژ بەر کو هزر دکرن کو مانا وان ب وی رەنگی گونەهەکا مەزنە، ب قئ چەندئ شوینواریت قوتابخانا ئەرزێ ب ئیکجاری بەرزە بوون.

خەلکئ ئەرزێ ب رەنگەکئ گشتی د دیندار بوون و گەلەکا ژئ هەندەک ژ قورئانئ ژ بەر بوون و پیزانین ل دۆر دیرۆک و بیرو و باوەریت ئیسلامی هەبوون هەتا راددەکی کو رەنگەکئ رەهوانبێژی یا ئاخفتنی ل نک هەبوو، ئانکو ب دەف و ئەزمان بوون، دیسا شەهرەزاییەکا باش ل دۆر سەرھاتی و چیرۆک و چیشانۆکیت ئیسلامی و کوردی هەبوون، لەورا هەردەم کۆچک و دیوانیت وان ب رەوش بوون و هەر جەھئ چووبانی ب رەوش دئێخستن^(۲).

دەربارە قئ چەندئ ژئ (بەکر بەگئ ئەرزێ) باشتەین نمونە یە، ژ بەر کو جەھئ وی ل دیوانا پاشایی نامیدی بئ (ئیسماعیل پاشایی ئیکئ) بئ کو ژ سالا (۱۸۲/ک / ۱۷۶۸ ز - ۲۱۳/ک / ۱۷۹۸ ز) دەستەھەلاتداری کری^(۳)، قورنەتئ ژۆری بوو، دیسا هەفقال و شاعر و شیرەتکاری وی بوو، ل گەلەک کەیف و خووشی یا دگەل بوو. ژ بەر کو مرۆفەکئ زانا و تیگەهشتی و جەھئ باوەری یا وی بوو، دیسا شعر و سەرھاتی و گۆتیت

(۱) ستوینا وئ مزگەفتی یا مزگەفتا گوندئ (مەتین) بوو، چەندین نقیسن ل سەر هەبوون، ژ خرابی مەتینی بۆ ئینابوون، پاشی ل ئەنفالیت (۱۹۸۸) دەمئ مزگەفت سۆتین، ئەو ژئ دگەل هاتە سۆتین.

(۲) بۆ نمونە (موسا بەگئ ئەرزێ)؛ ژ لایئ سوحبەت و قەسە خووشی بئ و هۆزانگۆتئ قە بئ ب ناف و دەنگ بوو، هەمی دەما ل کۆچک و دیوانیت مەزنا بوو و ریزەکا تاییەتی بۆ دەھاتە گرتن. دیسا (محەمەدئ خدر بەگئ) چیرۆکبێژەکئ بئ هەفرک بوو و ب دەھان چیرۆکیت درێژ و کورت و سەرھاتی دزانین، مینا: چیرۆکا (الامیر حمزة البهلوان) کو دکەفیتە سئ (مجلد) یت مەزن.

(۳) العباسی، محفوظ، (العباسیون.....)، پ ۹۴، ۹۷

وی و به حسّی هونہری وی ل دہقہری و گہلہک جہا ژ کوردستانی دہ لاقن^(۱).
 سہبارہت لاییت دی بیت رهوشہنبیری، گومان تی نینہ کو خہلکی ئہرزئی بی ژ لایین
 ستران و سہراتی و پەندیت کوردی قہ، بی خودان شہرہزایی و شیان بوو، دہبارہی
 سترانی ہمی دەما کۆچک و شہقہرۆک و بہرۆکبیت دورینی و جہژن و کۆمبوون پی ب
 رهوش بوون و شیانیست ستران چیکرنی و پیگۆتنی ل نک ہہبوون، ہہرہکی ب (زہینہل
 بہگی) و (نۆری بہگی) گۆتین، بیت کول دەمی ستاندنا کہلی ژ لایین لہشکەری میسر
 محہمدی رەواندزی قہ ہاتینہ گرتن و بی سہروشوینکرن، ہہتا نۆکە ژ ل کۆچک و
 دیوانیت کوردہواری دہینہ گۆتن^(۲).

(۳) ژیانا ئابوری

ژیانا ئابوری یا گوندی ئہرزئی، وہکی ژیانا ہہر گوندہکی کوردستانی ژیانہکا
 کوردہواری بوو، یا ب دہرامہتی چاندنی و ناژہلی و سروشتی قہ گرتدای بوو و ژ بلی قان
 ہہر سی ژئیدہریت ئابوری چویدی نہبوون، کو خہلکی وی مفای ژئ بیین و ہندہکی ژ
 سہنگا ژیانا خو پالدہتہ سہر، لەورا ہمی دەما ژ لایین ئابوری قہ، نہ بی ل ئاستی
 پیدقی بوو، ئەم دشیین بیژین کو خہلکی ئہرزئی ب شیوہکی تہقایی، ژ بلی مالیت میرا
 بیت کو دہرامہتی (شہش) گوندا بۆ دہات^(۳) د دەستکورت و پیدقی بوون. ژیارا وی ژ
 ل سہر دہرامہتی قان ژئیدہرا یا راوہستیای بوو:

۱/ دہرامہتی سروشتی

چیایی مہتینی بی کۆ ئہرزئی پالدایہ سہر، نہ وہکی چیایہکی دی یہ، ژ بہر کو بی ب
 ئاف و داروباری فیتی یہ، ل سہری ہہر کۆپہکی، رزدہکی، دۆل و بہر بہ تہنہکی، میوہک،
 گرسکەک، کہزانہک یان دارہکا مازی یا بہری، سہری خو بی ل ژیانتی ہہ لاندی. دیسا ل

(۱) ل پشکا دووی دئ ب بہرفرہی ل سہر ناخفین.

(۲) سہحک بہرپہری () .

(۳) گوندیت (ہہمزا، دہی، تہعلاق، چہمسیسکی، بادہرہشکی و ہہسمپیرکا) بوون.

هەر لاتەکی و ل هەر نهالهکی، بنهکی تۆلکی، کهنگری، کهلندۆری یان هەر گیاکهکی دی، یا خو خەملاندی، بۆ نمونە ئەگەر دارنیاسەک یان گیانیاسەک گەریانەکی ل چیاين مهتینی بکهتن دی شیت ژمارهکا زۆر یا داریت بهروی و گیایت خوارنی دهستنیشان کهت، ژ بهر فی دهوله مەندی یی خەلکی ئەرزى هەتا راددهکی دشیا تشتهکی ژ ئابووری خو یی سالانه داين بکهت، گەلهکا ژى داریت کهزانا ل ناف زهفی و شپريت خو ههبوون و بهرهمهکی باش ژى ب دهست دکهفت، هەر وهسا مازی د زهحف بوون ل سهري ههوارا مازیا ب دۆل و کیری و ملیت چیاى دکهفتن و دچنن، ههروهسا گرسکی و گوهیشکی و ههلهلوکی، دهبارهی گیاى ژى، ل دهمی بهاری رهقیت کچان بهر دبوونه چیاى ژ بۆ کرنا بیك و چهفری و بیتزاري و خاقری و سیرکا و.....هتد ژ گیایت خوارنی ژ بلی تۆلکی و پویزی و بهلگموخینی و پرچه بیللی و پیشوکا و گیایت دی بیت ل ئاقار و دهوروه ریت گوندی ههبن، ئەفه ههمی ئابوورهکی باش بوو، دیسا ئەگەر ل سالهکی کهزان د زۆر بان دا بهنه دهشتی و دهنه ب گهنم، بهلی ئەگەر مازی د زۆر بانه دبرنه (مویسل) و دفرۆتن. ههروهسا گرسک و گوهیشک دفرۆتن بهلی ل جهیت نيزیک، ژ بهر کول سهر پشتا دهوارا درزین و پویج دبوون.

ب/ دهرامهتی چاندنی

ئەف دهرامهته ژ (دو) رهنگیت چاندنی دهیت، چاندنا (ئافی) و یا (دیمی). ل ئەرزى ملکى ئافی و دیم ههردو بیت ههین، بهلی ملکى ئافی گهلهک پتره ژ ملکى دیم، ژ بهرکو جهی ئەرزى یی کهفرین، بهربهاقی نادهتن کو زهقییت پان و بهرین ههبن، دیسا ههبوونا کانیهکا بۆش، نههیتلایه زهقییت وی بمینن دیم و ئەگەر ئافا وئ یا کیم با، دا بهربهاف ههبیت کو دیمی ههفرکی دگهل ئافی ههبیت، لهورا ئەم دبیینن کو تنی ئەو عهردیت ئافا کانی یی نهگههیتى دهینه کیلان و بیت دی ههمی ئاقاره، ئانکو زهقییت چاندنا داروباری ئافی و زهزهواتینه، ب فی رهنگی ئابووری ئەرزى سهنگا خو پتر دهافیته سهر فیقی و ب راستی ژى فیقی یی ئەرزى یی مشه و ب ناف و دهنه، وهکی: (هنار، گويز، هژیر، هرمیک، خوچ، حولیک و تری نهخاسمه تربی (مویسا

به‌گی^(۱). دیسا تشتی دی بییت ئافی، وه‌کی: (ماش، کونجی و گه‌فشامی، و زهرزه‌وات، مینا: (باجانسۆرک، باجانره‌شک، سلک، خیار و کولند و.....هتد)، و هه‌روه‌سا (توبتن) لی دهاته چاندن.

سه‌بارت ده‌رامه‌تی دیمی، هه‌روه‌کی مه‌گۆتی، ملکی دیم بی کیمه و تنی چهند ره‌زه‌ک و زه‌قیه‌کیت کیم بییت لی هه‌ین، ده‌رامه‌ته‌کی نه‌ ل ئاست ژی ده‌یت له‌وما ده‌می ئیسماعیل پاشایی (دووی) پرسیار ل دۆر ئابووری ئه‌رزئی ژ به‌کر به‌گی ئه‌رزئی کری، گۆت:

عاشقی قه‌هوا شرین

سه‌رخۆشی قه‌هوا ته‌حل

هنارا دبه‌ینه ده‌شتی

سه‌رسه‌ر دده‌ینه ب ده‌خل^(۲)

ئه‌ف هه‌ردو مالکه (ته‌ئکید) دکهن کوژی‌بارا باهرا پتر یا خه‌لکی ل سه‌ر کاروانا بوو و خه‌لکی ئه‌رزئی ده‌رامه‌تی خو دبه‌ ده‌شتی و سه‌رسه‌ر ددا ب ده‌خل و ده‌پیرا و بو‌عه‌یالی خو دئینا، مه‌ گولی بوویه کو خه‌لکی ئه‌رزئی نه‌ به‌س به‌ر ب ده‌شتی دچوون به‌لکول گوندیت دی بییت دۆسکی یا کو باهرا پتر ژ عه‌ردی وان دیم، دچوون و ده‌رامه‌تی خو بی ئافی ب بی دیم دگوهۆری.

ب قی چهندی دیار دبیت، کو ئابوری ئه‌رزئی نه‌ ل ئاستی پیدقی بوویه و جشاکئی ئه‌رزئی هه‌رده‌م بی ده‌ستکورت بوو و تنی مالیت میرا نه‌بن کو خودانیت باهرا پتر ژ ملکی ئه‌رزئی و (شه‌ش) گوندیت دی بوون، بییت کو دبوونه ژیده‌ری گه‌له‌ک ژ رهنگیت ده‌رامه‌تی مینا (برنجی) کو چاندنا وی ل ئه‌رزئی یا لاواز بوو و کونجی یا و ده‌رامه‌تی دی بی ژ ملکی ئه‌رزئی په‌یدا دبوو.

(۱) ئافی وی کرینه (مویسا به‌گی) ژ به‌ر کو مویسا به‌گی ئه‌رزئی تیرکه‌ک ژ (سته‌مبۆلی) ئینابوو و چاندبوو.
(۲) عارف به‌گی ئه‌رزئی.

پیددقی یه بیژین کوژ بهر زهحفی یا چهروانا ل چپایی مهتینی و بهفرههی یا ناقار و بهربهاقا خه لکنی ئه رزی پوز و چیل و گول و مریشک بخودان دکرن و ههتا راددهکی دشیان بوؤ خو ریحالی بگرن، دیسا دبوو ژیده ری گوشتی، هه رچه نده کاری نیچیری یی بهردهوام بوو و پهزی کویقی و کفریشک و ناژهلج دی یی مشه بوو.

گوسان تی نینه کوشان ههمی ژیده ریت دهرامه تی هه رچه نده د لاواز بوون، بهلی ل ناستی هندئ هه بوون کو رهنکه کی سهرخوه بوونی بوؤ خه لکی ئه رزی پهیدا کهن کو گه لک د پیددقی نه بن. ئه قه ژی نه تنی رهوشا ژیانانا ئابووری یا خه لکی ئه رزی بوویه، بهلکو یا ژیانانا باهرا پتر ژ خه لکی کوردستانی بوویه کو هیلای بازرگانی-یا تیکه هلی و په یوه ندی یا پهیدا دکهن- گه لک گه لک لاواز بیت، ئه قه ژی فاکته ره کی سهره کی یه کو هیلای ناستی رهوشه نبیری ژی یی لاواز بیت و خه لکی کوردستانی یی ژیک قه قه تیای بیت و کیم په یوه ندی بیت و تشته کی گومانیره کو بهر ژه وه ندی و په یوه ندی بیت ل سهر بنیاتی پیددقی بوونی دهینه ئا فاکرن هه فگرتن و ئیکبوون و هه فگیری یی د ناظه را تهخ و جو بنیت هه ر ملله ته کی پهیدا دکهن.

شوبنواریت دیرۆکی

هه رچه نده جهی که لا ئه رزی یی قه ده ره و نه ل سهر ریبه کا گه شتی یه، بهلی دگه ل هندئ ژی، هنده ک شوبنواریت گه لک زبان پیکه فتی بیت ژی ماین، ئه ف چه نده ژی دیارده که نه تنی ل شوبنواریت که لا ئه رزی دیار بوویه، بهلکو ل گه لک شوبنواریت دی سهری خو هه لدایه، نه خاسمه ل شوبنواریت که ل و ئا قاهی بیت ب دهستی دهینه خرابکرن، پاشی فاکته ری ده می، کاری خو تیدا دکهن، دیسا هنده ک که ل و ئا قاهی بیت هه یین کو تنی فاکته ری ده می کارتی کرنیت خو تیدا دکهن، ژ بهر هندئ شوبنواریت وان پتر د دیارن و پتر مفا ژی دهینه دیان، ژ بهر کو بهلگه بیت دیرۆکی ب رهنکه کی ته قایی بهرزه نابن و تیرا هندئ دمین کو دیرۆکفانی قه کوله ر مفا ی ژی ببینت و کوژی بیت تاری بیت وئ بیخه ژیر تیژکییت رو ناهی یی. بهلی مخابن شوبنواریت که لا ئه رزی بهر ماییت وئ که لی و ئا قاهیانه بیت کو ب دهستی هاتنه خرابکرن و فاکته ری ده می، کارتی کرنیت خو تیدا

کرین، لهورا گهلهک دکیم و زبان لیکرینه، نهو ژي نهغهنه:

۱/ شوینواریت ل ژورقهی تخویبی کهلئ

نهف شوینواره بییت وان ئافاهی و تشتانه؛ بییت کو جهیت وان دکهغه ژورقهی دهغهنی کهلئ و ههتا نوکه ماینه ل بهرچاف، نهو ژي نهغهنه:

۱- سهری قهسری

جهی قهسرا میری کهلئ یه، یئ ل بلندترین جه ل نیشا کهلئ، ههتا نوکه ژي بنیاتی دیواریت وی دگهل چهندهکی ژ دیواریت وی بییت ماین، مخابن گهلهک جارا پشتی لهشکهری رژیتم ل دهقهسری بهلاف بووی دکرنه (رهبییه)، ههژی یه بیترین کوئهو دهستنقیسا مه بهحس ژي کری^(۱) ل سالا (۱۹۸۸) چهتهکی ل دهمی چیکرنا (رهبی یئ) ژي ئینابوو دهر پاشی کهتیوو دهستی رهحمتی (پیزانی نالیخانی) و ههتا سهرهلدانابهارا سالا (۱۹۹۱) ی ژي مابوو، پاشی ل دهمی مشهختیوونا ملیونی بهرزه بوو.

۲- کوچکا میری

جهی وی یئ ب رهخ قهسرا میری هه، ههتا نوکه ژي دیبیزنه جهی وی (کوچکا میری) و خهلکی نهرزئ ههمی فی دکهفن.

۳- دؤلا کوچکی

دکهقیته د بن کوچکا میری دا، ل دویف دیتنا من نهف دؤله ل بهری خرابیوونا کهلئ کؤلانا سهرهکی یا کهلئ بوو، نانکو ریوبارا سهرهکی یا خهلکی کهلئ بوو ل بهر سینگی کوچکا میری، پاشی دهمی کهل هاتی یه خرابکرن و رویت بووی وهکی دؤلی لی هات. نوکه ژي دیبیزنی: دؤلا کوچکی.

(۱) سهکه بهرپهری () .